

Der vierdt taylor

Das vierdt taylor sagt von falschen/von Senff vnd Latwergen.

¶ Das erst Capitel.

¶ Wiltu machen ein grüne falschen von kreutern/so klaub pfefferkraut
deymenten/mangolt/ampffer/streyff die stil darauf/ vnd warn dich
eines verglasten hafens mit einer deck/ Nym weysß brot das weych in
wein oder in essig gar wol/reysß lecfuchen/vñ stoß die kreuter vñ das
alles mit einander gar wol/treyß es durch ein tuch mit essig vñ wein
darein das brot ist geweycht/mach es ab mit wurzen vñ versuch die
falschen/vnd behalt sie in dem hafens vber jar.

¶ Das ander Capitel.

¶ Item etliche falschen stoß man ab mit agrest/darzu nimbt man Bo
ley rauten/münzen vnd brunnenkress/das des agrest mer sey wan der
kreuter/wan die vnzeytigen weinber heyst man vñ ist agrest/das gar
ein liebliche seür hat/das stoß man ab mit einem wein vnd mit essig
vnd mit geribnem lecfuchen/vnd schönem brot.

¶ Das dritt Capitel.

¶ Item etliche falschen stoß man ab mit maylant/garten ampffer/vñ
mit sauren weinapffel mit brot geweicht/mit eytel essig/gchackt vñ
gestossen mit einander/vñ durchgetriben in ein glesen heselein. Wiltu
die weinapffel vor siedem oder braten/so geend sie dester ee durch/vnd
versuch sie wol/vñ verdecks/du magst sy in glesen kutterolffer behal
ten/verstosse das nür wol/vnd setz es in ein keller/so douret es nit.

¶ Das vierdt Capitel.

¶ Item Knobloch falschen bedarff wenig brots gebeütelt brosem/ges
weycht in essig/vnd mit mager fleisch Brü gar wol gestossen/abges
macht mit saltz vñ ein wenig essigs/die falschen behalt in einem kutter
olff wol verschoben/so beleybt sie bey irer krafft.

¶ Das fünfft Capitel.

¶ Wiltu die gelb haben/so thu saffran in essig/vñ beyß in darein/thu
die falschen in ein pfenlein vber das feür/vnd laß erhizen/vnd mach sie